

Visoki predstavnik se sastao sa delegacijom Austrijske biskupske konferencije



Visoki predstavnik Valentin Inzko danas se u Sarajevu sastao sa delegacijom Austrijske biskupske konferencije koju je predvodio kardinal Christoph Schönborn, bečki nadbiskup. Visoki predstavnik je informirao delegaciju o trenutnoj političkoj i društvenoj situaciji u Bosni i Hercegovini, a razgovarali su i o odnosima između crkve, države i društva u obje zemlje. Visoki predstavnik je na kraju iskoristio ovu priliku da zahvali Katoličkoj crkvi u Austriji za nesebičnu pomoć Bosni i Hercegovini i njenim građanima u teškim ratnim vremenima.

“Međureligijski i međuetnički dijalog pozitivan je impuls za uspješan proces pomirenja. Iz tog razloga, veoma mi je drago da će se delegacija Austrijske biskupske konferencije za vrijeme boravka u Bosni i Hercegovini, pored državnih zvaničnika, sastati i sa vjerskim liderima”, zaključio je visoki predstavnik.